



Mikivisuk Thomassen
Inatsisartunut ilaasortaq, Inuit Ataqtigiit

§ 37 naapertorlugu apeqqutip nr. 030/2023-p akineqarnera.

Asasara Mikivisuk Thomassen

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutitut tullinguuttumi issuarneqartunut akissuteqartinneqartunullu qujapput.

10-02-2023
Suliap normua 2023 - 2226
All. nr. 22379472

Postboks 1160
Oqarasuaat: 34 50 00
Fax: 34 55 05
3900 Nuuk
Email: pn@nanog.gl
www.naalakkersuisut.gl

1. Naalakkersuisut Qaanaami peqqissaaviup nal. 16.00 kingorna uningasoqarsinnaannginnera sumik tunngaveqarnersoq ilisimasaqarfigivaat?

Nunatsinni sumiiffinni amerlanerusuni peqqinnissamut tunngasutigit sulisunut pilerinarsaanissamut sulisullu sulisorineqaannarnissaannut annertuumik unammillernartoqarpoq. Tamanna aamma Qaanaami Peqqissaavimmut atuuppoq. Innuttaasut eqqortumik sullinneqanissaannut periaasissat ilaat tassaasinnaavoq sullissivinnik allanik qaninnerusumik suleqateqarneq.

Peqqinnissaqarfiup aamma Avannaata Kommuniata akornanni suleqatigiinnissaq pillugu Peqqissutsimut Naalakkersuisoq Avannaata Kommuniani borgmesteri 2020-mi isumaqatigiissuteqarsimapput, tassani ilaatigit napparsimasut ulloq unnuarlu utoqqaat illuanniissinnaanerat isumaqatigiissutigineqarsimalluni.

Peqqissaavimmi sulisut napparsimasut ulluunerani takusarpaat, aamma utoqqaat illuanni sulisut napparsimasut unnukkut unnuakkullu takusarpaat. Qaanaami Peqqissaavimmi sulisut unnummi pineqartumi pigaartuusut oqarasuaataasa normui utoqqaat illuanni sulisut pigivaat. Napparsimasut Peqqissaavimmi sulisunit takuneqartuaannarneqarsinnaasarput - aamma nal. 16.00-ip kingorna.

Innuttaasut pillugit suleqatigiilluarnissaq isumaqatigiissummi qulakkeerneqartoq aammalu unammilligassat aalajangersimasut aaqqinneqarnissaannut isumaqatigiissut iluaqutaasoq Peqqinnissaqarfimmit paasissutissiissutigineqarput.

2. Naalakkersuisut Qaanaami peqqissaavimmiit utoqqaat illuannut uningasunik inissiisarneq pissusissamissortutut isigivaat?

Qaanaami Peqqinnissaqarfik aamma Qaanaami utoqqaat illuat ataatsimut isigalugu sulisussarsiortarnermik annertuumik unammilligassaqarput. Peqqinnissaqarfiup aamma Avannaata Kommuniata akornanni isumaqatigiissut tamanna tamatuma isumaginissaanut tapertaassaaq.

Peqqissaavik aamma utoqqaat illuat imminnut qanittorujussuullutik inissisimapput, tamannalu isumaqarpoq atortorissaarutit sulisutigullu isumalluutit tungaatigut illuatungeriinnut iluaqutaarujussuuartussamik avitseqatigiissinnaallutik. Innuttaasut napparsimasullu illutigut pitsaanerusumik neqeroorfigineqarsinnaalernissaat sulisullu suleqatiminnik amerlanerusunik siunersueqateqarsinnaanissaat ilaatigut aamma periarfissaapput.

Isumaqatigiissummi arlalippassuartigut suleqatigiiffiusinnaasut illuatungeriinnut iluaqutaasinnaasut nassuiarneqarput. Tamatuma ilaatigut kingunerissavai sulisunik ataatsimut piginnaangorsaasarneq, illuatungeriit atortunik atortitsigallartarnerat, ataatsimoorussamik ingerlatsinikkut iluaqutissat, assersuutigalugu errorsineq eqqiaanerlu kiisalu innuttaasunik paaqutarinninneq pillugu suleqatigiinneq.

a. Naalackersuisut taamatut aaqqissuussisimaneq pillugu Avannaata Kommunia isumaqatigiissuteqarfigaa?


Aap. Apeqqut 1 aamma 2-mut akissuteqaatit takukkit.

Aamma paasissutissiissutigineqarsinnaavoq Avannaata Kommuniani borgmesterip suleqatigineratigut Naalackersuisut isumaqatigiissummik misissueqqinnissamut ammammata.

3. Naalackersuisut Qaanaami peqqissaavimmi uninngatsitisinnaannginneq pitsaasutut isigineqarpa?

Apeqqut 2-mut akissut takuuk.

Med venlig hilsen
Inussiarnersumik inuulluaqqusillunga



Mimi Karlsen